



林投公園揣林投

最近有一个機會，阮一行四名同齊去澎湖迢迢。兩個人一組，合租一台 125cc 的 oo-tóo-bái，當工就共馬宮、西嶼、白沙、湖西四鄉市耍透透，上尾站就是去參觀湖西鄉的林投公園。

林投公園是佇西元 1957 年設立的，是澎湖獨一無二的觀光公園。人講若無來過遮就無算來過澎湖，這就表示遮的名聲是真敢(tháu)的。遮離馬公飛機場無佬遠，順 204 縣道往海邊行就會到位。林投公園攏總大概有 68 甲地，內底的樹木發甲真茂(ōm)，嘛攏真大穰。

想講甲是號名做林投公園，一定是有濟林投才著，林投閣是咱台灣滿四界的沙埔地攏有發的防風林，所以一到位我就四界咧揣林投，想欲看伊的現狀是啥款，啥知影揣真久煞揣攏無。我嘛想講林投本底就是用佇咧防風、防沙的，一般攏發佇海邊仔，所以我嘛走去海邊仔揣，嘛是攏揣無。落尾手，有看著一个若親像是在地人的款，緊行倚去共伊請教。伊就講：「有啦，對遮較去遐有一穰啦。」阮真歡喜，就行對伊比的彼搭遐去。好哩佳哉，真正有揣著一節(phō)林投，這節真有可能就是公園內底獨一無二的。一直到阮欲轉來的時，才佇公園的門口倒手月，看著成十穰細細穰仔、可能種無蓋久的林投。

林投村是倚佇海邊的，我臆遮原本應該是無欠缺(khiàm-khueh)林投的，後來，有可能是環境的變遷，抑是政策的改變，共規大片(phiàn)的林投剝(tshò)甲欲了，改種其他的樹種，造成這逝阮來到林投公園揣無林投的心適代。若準用淡薄仔經費、儉人力，踮倚海邊仔的地帶，加種一寡林投樹，毋但會當防風、防沙，嘛予這個公園變成真正的林投公園。

作者：陳憲國

☆詞彙學習☆

【林投】nâ-tâu：為一種露兜科物，常生長在海節沙灘地邊緣

【馬宮】Má-king：為澎湖馬公舊名，緣自「媽祖宮」

【真敢】tsin-tháu：(名聲)很響亮

【茂】ōm：草木茂盛狀

【發】huat：植物生長

【好哩佳哉】hó-lih-ka-tsai：好在、幸好

【一穰】tsit-bôo：一穰

【心適代】sim-sik-tai：趣事

☆文法學習☆

【穰、撮、模、片、節】：這些都是閩南語植株的量詞，單株為穰(tsâng)；少量單株積聚者為撮(tshok)；單株頭部佔地較大者為模(bôo)；多數植株在一起分佈成一大塊者為片(phiàn)；由單株衍生成小塊狀者為節(phō)；例如一節竹仔、一節林投。